



FYLKESMANNEN
I ROGALAND

Dykkar ref.:

Vår dato: 21.05.2014

Vår ref.: 2014/3160

Arkivnr.: 433.0

Knut Hattaland
Skjærpevegen 30
4342 UNDHEIM

Postadresse:
Postboks 59 Sentrum,
4001 Stavanger

Besøksadresse:
Lagårdsveien 44, Stavanger

T: 51 56 87 00

F: 51 52 03 00

E: fmropost@fylkesmannen.no

www.fylkesmannen.no/rogaland

Løyve til utplanting av utanlandske treslag til juletreproduksjon, Ramsland gnr/bnr 94/4 Eigersund

Fylkesmannen gjev løyve til planting av utanlandske tre til juletreproduksjon på kartfesta areal på eigedom 94/4 i Eigersund kommune for 10 år. Det er sett vilkår om at alle tre skal fellast innan 15 år etter planting. Dette løyvet er uavhengig og gjev ikkje føringar for handsaming etter anna lovverk. Det er til dømes naudsynt å ha løyve frå kommunen til omdisponering etter jordlova sine reglar når plantefelta er på dyrka jord.

Me viser til søknad, mottatt 16.05.2014. Du søker om løyve til å planta utanlandske tre til juletreproduksjon på eigedommen din på i Eigersund kommune.

Heimel

Utsetjing av utanlandske treslag krev godkjenning frå Fylkesmannen i samsvar med *forskrift om utsetting av utanlandske treslag til skogbruksformål (25.05.2012 nr 460)*, jf. naturmangfaldlova kap IV.

Søknaden

Du søker om å planta ut 1 800 fjelldelgran *Abies lasiocarpa* og nordmannsedelgran *Abies nordmanniana* på 3,5 daa der det i dag er fulldyrka eng og gjødsla beite, innteikna på kart vedlagt søknaden. Totalt areal for produksjonen skal vera 3,5 daa.

Arealet for utplanting som er oppgitt i søknaden, stemmer ikkje over eins med arealet på kartvedlegget, oppmålt med kartverkty hjå Fylkesmannen. I telefonsamtale 21.05.2014 for å oppklara dette, fekk Fylkesmannen forklart korleis teigen tenkt til utplanting skulle avgrensast. Arealet oppmålt med kartverkty vart då 4,0 daa. Dette samsvarte med arealet grunneigar meinte denne teigen skulle vera på. Dette arealet tilsvarer 3200 planter.

Me gjer merksam på at forskrifta gjev høve til å handsama søknader om utplantingar over fleire år om gongen. Dei aktuelle areala er på eigedom din gnr./bnr. 94/4 i Eigersund kommune.

Fylkesmannen si vurdering

Føremålet med forskrifta er å hindra at planting av utanlandske treslag ikkje gjev uheldige konsekvensar for naturmangfaldet. Det er sentralt å sikra at forvaltingsmåla for naturtypar og artar ikkje blir trua av dei framande artane, direkte eller indirekte, jf. naturmangfaldlova §§4 og 5. Alle offentlege vedtak som kan ha verknader for naturmangfaldet skal vurderast etter naturmangfaldlova §§ 8 – 12. §8 set krav om at vedtaket bygger på kjend kunnskap. Det er ikkje verna område, eller kjende artar i nærleiken, som kan bli uheldig påverka av tilplantinga. Plantefeltet legg beslag på areal som består av tidlegare fulldyrka eng og gjødsla beite.

Ut frå føre-var-prinsippet (§9) er det viktig å sikra seg mot at plantefelta kjem ut av kontroll, som til dømes ved at trea ikkje når alder for frøspreiing. Rutinar for internkontroll må innarbeidast i verksemda.

Påverknad av økosystemet skal vurderast ut frå samla belastning som økosystemet er, eller blir utsett for (§10). I dette høvet kan me ikkje sjå at tiltaket legg beslag på, eller er ein vesentleg trussel mot stadeigne naturkvalitetar.

§11 legg ansvaret for eventuelle skader på naturmiljøet hjå tiltakshavaren. Kostnader ved å bota på eventuelle skader, eller å førebygga skader skal dekkast av tiltakshavar, så langt tiltaka er innanfor rimelege grenser.

Driftsmetodar og teknikkar skal i utgangspunktet ta best mogleg omsyn til naturmiljøet, slik at resultatet gjev dei beste samfunnsmessige resultata (§12). Me har ikkje spesielle merknader til dette i denne saka.

Me kan ikkje sjå at planting av desse treslaga vil vera til vesentleg skade for naturmangfaldet. Dei aktuelle treslaga har ikkje stor risiko på svartelista, og det er ikkje registrert spesielle naturverdiar som kan bli trua av tiltaket på, eller umiddelbart ved sida av plantefelta. Det er likevel viktig å sikra seg mot eventuell frøsetting. Det er viktig å dokumentera rutinar for å hindra spreiding, og kven som har ansvar for å sikra hogst før frøsetting. Det er også viktig at dette dokumentet blir gjort kjent og overført samtidig som eventuelt eigarskifte til ny eigar.

Samstundes vil me minna om at skogbrukslova med underliggende forskrifter, mellom anna *forskrift om berekraftig skogbruk* (07.06.2006 nr. 593) og Levende Skog standarden også gjeld for juletre- og pyntegrøntproduksjon. Her er det også ein del miljøomsyn som må takast. I dette tilfelle må ein kanskje vera ekstra merksam på at det er krav til buffersone langs vassdrag, samt restriksjonar i høve til gjødsling og sprøyting.

Vedtak og vilkår

Fylkesmannen gjev med dette løyve til å setja ut 3200 fjelldelgran og nordmannsedelgran på avmerka område på kart vedlagt løyvet. Arealet er til saman 4,0 daa. Områda er på Ramsland i Eigersund kommune. Løyvet gjeld i ti år fram til år 2024.

Det blir sett som vilkår at alle tre, som er omfatta av vedtaket, skal fellast innan 15 år etter at dei vart planta. Eigaren av arealet er ansvarleg for felling. Vilkåret for dette løyvet skal gjerast kjend for ny eigar ved eventuelt eigarskifte.

Dette løyvet er utelukkande gitt på bakgrunn av risiko for spreiding av utanlandske tre, og er heilt uavhengig av handsaming etter anna lovverk. Det er til dømes naudsynt å ha løyve frå kommunen til omdisponering etter jordlova sine reglar når plantefelta er på dyrka jord.

Klage

Du kan klaga på vedtaket innan 3 veker etter du har mottatt dette brevet, jf. forvaltningslova sine reglar. Ein eventuell klage skal sendast til Fylkesmannen i Rogaland. Dersom Fylkesmannen ikkje gjer om eige vedtak, skal klagen handsamast av Miljødirektoratet.

Med helsing

Per Kristian Austbø
ass. fylkesmiljøvernssjef

Torborg Berge
rådgjevar

Dokumentet er elektronisk godkjent og har difor ikkje underskrift

Saksbehandlar: Torborg Berge
Saksbehandlar telefon: 51 56 89 39
E-post: fmrotbe@fylkesmannen.no

Kopi til:

Miljødirektoratet	Postboks 5672 Sluppen	7485	TRONDHEIM
Eigersund kommune	Postboks 580	4379	Eigersund

Vedlegg:

Felt for nordmannsedelgran og fjelledelgran til juletreproduksjon Knut Hattaland, Ramsland, Eigersund 94/4.